



KEMENTERIAN PEMBANGUNAN WANITA,  
KELUARGA DAN MASYARAKAT  
JABATAN KEBAJIKAN MASYARAKAT

## KENYATAAN MEDIA

### **KEADAAN TERKAWAL DAN BEKALAN MAKANAN MENCUKUPI DI PUSAT PEMINDAHAN SEMENTARA (PPS) BANJIR PANTAI TIMUR**

---

Berdasarkan kepada **Info Bencana Jabatan Kebajikan Masyarakat (JKM) 2.0** pada **26 Februari 2022 jam 8.00 malam**, sebanyak **109 buah Pusat Pemindahan Sementara (PPS)** telah dibuka yang melibatkan dua (2) negeri iaitu **Terengganu (77 PPS)** dan **Kelantan (32 PPS)**. Secara keseluruhan, **seramai 7745 mangsa terlibat dalam bencana ini dengan 1820 jumlah keluarga yang terkesan.**

Petugas-petugas JKM di semua kawasan yang terlibat telah digerakkan untuk menguruskan mangsa-mangsa bencana banjir bersama agensi-agensi lain mengikut keperluan dan peranan masing-masing. Berdasarkan **ARAHAN NO 20 MAJLIS KESELAMATAN NEGARA (MKN 20)**, peranan dan tanggungjawab JKM dalam pengurusan bencana adalah seperti berikut:-

- i) Menyedia dan menyelenggara Pusat-Pusat Pemindahan Sementara (PPS) untuk mangsa bencana.
- ii) Menyedia dan mengedarkan bantuan makanan, pakaian dan keperluan asas kepada mangsa bencana di PPS.
- iii) Pendaftaran mangsa bencana bagi maksud pemulihan.
- iv) Bimbingan dan nasihat / kaunseling kepada mangsa bencana.

Setakat hari ini, pihak JKM telah mengedarkan bantuan makanan bermasak dan barang keperluan asas kepada semua mangsa bencana yang berada di PPS yang dibuka dan keadaan semasa adalah terkawal serta bekalan makanan juga mencukupi.

Di samping itu, JKM juga telah membangunkan Sistem Infobencana JKM 2.0 yang menyediakan data statistik mangsa bencana yang berpindah ke PPS di seluruh negara. Maklumat ini dikemaskini setiap 4 jam sekali dan boleh diakses melalui web dan aplikasi mobile.

Orang ramai boleh memuat turun Aplikasi InfoBencana JKM 2.0 melalui *Apps Store* dan *Play Store* bagi mendapatkan maklumat terkini mengenai PPS. Selain itu, orang ramai juga boleh menghubungi Talian Kasih 15999 yang beroperasi 24 jam dan Bilik Gerakan JKM yang boleh dilayari di portal [www.jkm.gov.my](http://www.jkm.gov.my).

Selain itu, semua mangsa dan petugas-petugas di PPS juga diingatkan untuk mematuhi *Standard Operation Prosedure* (SOP) yang telah ditetapkan oleh Majlis Keselamatan Negara (MKN) dan Agensi Pengurusan Bencana Negara (NADMA). Orang ramai yang terlibat dalam bencana banjir ini juga dinasihatkan untuk mematuhi arahan pihak berkuasa untuk berpindah ke tempat yang selamat.

###

Disediakan oleh:

**Unit Perhubungan Awam**

Jabatan Kebajikan Masyarakat

27 Februari 2022